

善三

瑜伽師地論卷第八十三

解脫不善證得者由二種證如前應知我所應說如是已說者謂總結前略所標舉及廣分別

復次由六種相應當解釋一切契經一者遍知事故二者捨離惡行及諸煩惱隨煩惱故三者受學善行故四者由如病等行智遍知

通達故五者由彼果故六者由自及他領受

彼果故由此六相及由如前所建立相應善解釋一切經典此中事者謂蘊界處緣起念生及正斷等彼果者謂眾患離欲解脫及遍解脫自他領受彼果者謂我生已盡如是等類名攝釋分

攝異門分之上

如是已說攝釋云何攝異門總溫陀南曰白品與黑品 異門等宣說 為開悟義學略總頌應知

別溫陀南曰

師第一二慧 四種善說等 亦有因緣等施戒道廣說

此中大師所謂如來紹師即是第一弟子如被尊者舍利子等言襲師者謂軌範師若親教師若同法者能開悟者令憶念者大師即是

立聖教者紹師即是傳聖教者襲師即是隨聖教者開許制止一切應作不應作故時教授教誡轉故當知即是能說傳說及隨說者驅擯造作不應作故名能辨者慶慰造作應作事故名勝辨者於前二事能開示故名至辨者隨所生起一切疑惑皆能遣故名

瑜伽師地論卷第八十二 十四末

串 古惠

總

別

攝

能導者惡作憂悔皆能遣故名勝導者一切煩惱及隨煩惱皆能遣故名至導者於諸疑惑能斷除者謂未顯義能顯發故已顯發義令明淨故甚深義句以慧通達廣開示故誓許爲作軌範尊重所依止故名第二伴隨轉伴故名爲善友宿昔同處居家樂故名爲知識父母宗親互相繫屬名憐愍者若非眷屬而施恩惠名有恩者言義利者名所求事能引義利樂爲此故名樂義利言利益者名爲善行樂爲此故名樂利益言安樂者名安樂住樂安隱依後法樂說名爲樂相應安隱於一切事現正隨從故名信順若即於彼補特伽羅處所而起故名爲信開彼功德及與威力殊勝慧已即於彼法處所而起隨順理門故名淨信即由如是增上力故身毛爲豎悲泣墮淚如是等事是淨信相聞彼功德威力等已於行住等諸威儀中恒常信彼實有功德

故名信述所言欲者若於是處樂作樂得言精進者發起加行其心勇悍言策勵者既勇悍已於彼加行正勤修習言剛決者發精進已終無懈廢不壞不退言超越者艱重精進言威勢者謂過夜分或前一更被服鎧甲常發精進言奮發者如所被服發勤精進或更三

昇進威猛勇悍發勤精進深見彼果所有勝利故名勇銳於勤修時堪能忍受寒等淋瀝故名勇悍由善了知前後差別於其勝上差別證中深生信順所有精進名難制伏於少下劣差別所證進修善中無怯劣故名無喜足言勵心者謂於精進所有障處一切煩惱及隨煩惱諸魔事中頻頻覺察令心靜息言常恒者謂即於此正加行中能常修作能不捨輒言正信者謂於大師說正法時於此正法旣聽聞已獲得淨信不放逸者謂得信已於樂出離障礙法中防護其心恒常發起善法修習言瑜伽者受持讀誦問論決擇正修

加行言思惟者隨所受持究竟法義審諦觀察言憶念者於所觀察一切法義能不忘失於久所作久所說中能正隨念言尋思者即依如是無倒法義起出離等所有尋思所言智者謂出世間加行妙慧所言解者謂出世間王體妙慧所言慧者謂已證得出世間慧

後時所得世間妙慧言觀察者謂由無倒觀察作意審諦觀察已斷未斷有餘無餘言梵行者謂入聖支道及與遠離非正梵行習姪欲法又言安住餘梵行者謂三十七菩提分鉢舍那故由修身念故如其所應彼自性故

善二彼品類故此中信念俱通二品

復次即此大師亦稱第一自義行故亦稱爲尊他義行故亦稱爲勝俱義行故亦稱爲上映蔽一切諸外道故亦稱無上映蔽一切聲聞獨覺中下乘故復有差別言第一者共諸世間善圓滿故所言尊者共諸聲聞善圓滿

故所言勝者共諸獨覺善圓滿故所言上者於煩惱障得清淨故言無上者於所知障得清淨故復有差別言第一者於欲行善得圓滿故所言尊者於色行善得圓滿故所言勝者無色行善得圓滿故所言上者超過一切三界世間善圓滿故言無上者出世間善得圓滿故無足有情者如蛇等二足有情者謂人等四足有情者如牛等多足有情者如百足等有色有情者謂從欲界乃至第四靜慮無色有情者謂從空無邊處乃至非想非非想處有想有情者謂從欲界乃至無所有處除無想天無想有情者謂無想天非有想非無想有情者謂非想非非想處所有生天如是略說品類差別顯示如來三種第一謂由蠢動故由依止故由心故

復次能得慧者謂揔攝一切能引義利所有善慧生長增益廣大慧者謂較中上品增進差別清淨慧者謂宿世串習經歷多時其慧

成熟成辦慧者謂於諸煩惱遍知永斷圓滿
慧者謂即此善慧已到究竟無退慧者謂即
此善慧成無退法究竟出離言捷慧者速疾
了知故言速慧者慧無滯礙故言利慧者盡
其所有如其所有皆善了知故言出慧者於
出離法世間離欲能善了知故決擇慧者於
出世間諸離欲法能了知故甚深慧者於甚
深空相應緣起隨順諸法能了知故又於一
切甚深義句皆能如實善通達故此中如來
慧能制立聲聞等慧於所制立能隨覺了又
大慧者謂即此慧長時串習故其廣慧者謂
即此慧無量無邊所行境故無等慧者其餘
諸慧無與等故言慧寶者於諸根中慧最勝
故如末尼珠顯發輪王毗琉璃寶令光淨故
與彼相應故名慧寶皆得成就又慧眼者謂
俱生慧言慧明者謂他所引則他所引善加
行慧言慧光者謂即加行聞思成慧言慧曜
者謂即由此修所成慧言慧燈者謂於如來

卷三

四

所說經典甚深建立等開示故言慧炬者謂
於法教隨量隨時能隨轉故言慧照者謂於
彼彼所有諸法以其妙慧能善了知雖善了
知猛隨他轉而未身證慧無間者謂身作證
其慧根者謂於他所證能遍了知增上力故
諸所有慧言慧力者謂於自先後差別所證
能遍了知增上力故由法道理無退屈慧言
慧財者謂能招引一切自在最勝富貴隨獲
自心自在轉故又此慧寶於一切財最為殊
勝能為一切世間珍財根本因故如說慧劍
及慧刀者謂能永斷一切結故言慧杖者謂
能遠防一切煩惱天惡魔故言慧轡者縱意
根馬於善行地而馳驟故慧無墮者令諸身
分不散壞故慧垣牆者遍於一切一門轉故
慧階陛者加行道故慧堂殿者到究竟故為
欲顯示垣牆等三復說三種所謂界智種種
界智非一界智又正見者能善通達真實法
故有學慧者如理作意復能引發心善解脫

卷三

五

慧善解脫又於後時諸有學慧謂預流果及一來果不還果攝諸無學慧謂阿羅漢菩提所攝若諸獨覺菩提所攝若諸如來最勝無上菩提所攝云何界智謂能了知種種界故若能了知十八界者名非一界智了知彼界種種品類名種種界智通達了知彼界趣地補特伽羅品類差別故又微細者能入真實甚深義故言審悉者具能證入一切義故言聰明者謂與引發慧相應故言覩哲者謂與俱生慧相應故或復翻此眼者能取現見事故智者能取不現事故明者悟入盡所有事覺者悟入如所有事言義行者謂思所成善法攝故言法行者謂聞所成善法攝故言善行者施戒所成善法攝故調柔行者謂修所成善法攝故

復次言善說者謂諸文句善圓滿故言善覺者謂能善現等覺義故言出離者謂世間道斷除衆苦得出離故趣等覺者謂出世道爲

超衆苦而能真實現等覺故無差別者師與弟子所說文義相滋潤故不相違故有窣堵波者一切外道天魔及餘世間不能傾動故言有依者具足四依無失壞故大師如來應正等覺者謂所說教善清淨故此中諸句略顯四種善說法律最極圓滿謂初二句顯文義圓滿次二句顯果圓滿次二句顯行圓滿後一句顯師圓滿

復次佛世尊法有因緣者謂有緣起制立一切所學觀故有出離者謂有犯已制立超越一還出離故言有依者謂由四依制立超越一切惡戒諸毀犯故有超越者制立遠離受用欲樂自苦行邊隨順土用令成就故有神變者謂由三種所現神變爲令獲得速疾神通無間制立正教授故

復次解脫捨者迴向涅槃故於施果中無繫著故常舒手者殷重廣施故樂棄捨者施前正施及與施後意悅清淨無追悔故祠祀施

者一向如法不以凶暴積集財物時時數數周遍捨施所施物故捨圓滿者謂於福田而奉獻故於惠施中樂分布者謂於父母妻子等所時時平等而分布故如是一切揔有六施一無所依施二廣大施三歡喜施四數數施五田器施六攝受眷屬施此中依止品類時處布施而說

復次廣說戒者中溫枕南曰
尸羅法殺生 具戒等廣說

言尸羅者謂能寂靜毀犯淨戒罪熱惱故又與清涼義相應故言律儀者謂是遠離自體相故言具足者謂正攝受無悔等故言清淨者攝受現行三摩地故又言善者謂能攝受可愛果故言無罪者謂能攝受自他利故言無害者謂能違拒執持刀杖闡諳等事言隨順者隨順證得諸沙門果及餘所有勝功德故言隱覆者謂常隱覆自善法故言顯發者謂常發露自惡法故言端嚴者謂具攝受諸

少欲等所有沙門莊嚴具故言福田者攝受正見軌範淨命圓滿德故言無熱者謂正遠離自苦邊故言無惱者遠離受用欲樂邊故言無悔者謂正遠離染汙不樂憂感事故復次善說法者道理所攝故住持勝德故毗奈耶者隨順一切煩惱滅故所言聖者遠離一切雜染汙法令不生故又言善者能與無罪可受果故言應習者應習近故言善哉者是諸聖賢稱讚事故

復次言殺生者謂如有乃至廣說

黑品白品當知廣如有尋有伺地中已說

復次言具戒等皆廣說者謂安住具戒亦能守護別解律儀乃至廣說密護根門若守護念若常委念乃至廣說於食知量於諸飲食思擇而食不爲充悅不爲憍逸乃至廣說進止往來正知而住乃至廣說如是一切廣說應知如聲聞地

復次廣說道者中溫枕南曰

念住正斷 神足根力 覺支道支 無量爲後
 爲欲勤修四念住故發起上品猛利欲者謂
 為斷除不正作意諸過失故言精進者謂爲
 斷除慢緩築勤諸過失故言策勤者謂爲斷
 除惛沉掉舉二隨煩惱諸過失故言勇悍者
 不自輕慢故言勇銳者能抗外敵故不可制
 伏者於少下劣不生喜足故言正念者不忘
 教授故言正知者能不毀犯所毀犯故不放
 逸者不捨善軛故住熟光者能修懈怠對治
 法故言正解者能修毀犯對治法故念成辦
 者能修忘念對治法故調伏世間者能修貪
 豪一切世法正對治故此中顯示勤修念住

諸苾芻等應當修習四種對治

復次於諸正斷諸神足中所有異名廣說應
 知如聲聞地

復次於如來所安立正信等廣說應知如攝
 決擇分安住有勢力有精進有勇悍等廣說
 應知如菩薩地

復次簡擇諸法最極簡擇周遍尋思周遍觀
 察廣說應知如聲聞地已得無漏真作意故
 總聖諦境一切無漏作意相應名爲擇法言
 簡擇者總取一切苦法種類爲苦聖諦故最
 極簡擇者各別分別取諸苦故謂生苦老苦
 等極簡擇法者依此處所簡擇契經等法故
善三
 所以者何依止此故先修所作又簡擇者謂
 審定解了最極簡擇者謂審定等解了極簡
 擇法者謂審定近解了前是尋求道今是決
 定道復有差別言解了者於所知事作意發
 悟等解了者既發悟已方便尋求近解了者
八
 求已決定

復次點了者了知分別體故通達者通達所
 知事故復有差別點了者了知自相故通達
 者了知共相故審察者謂能定取盡其所有
 如其所有先後漸次倍增廣故聰寂者先後
 漸次於彼義中無忘失故覺者謂堪能簡擇
 雜生之慧明者謂習所得慧慧行者謂能受

持讀誦問論勝決擇等增上了別即於彼義轉增明了勤修習慧毗鉢舍那者謂即於前所了別義審觀察故涉入者謂先尋思於所緣境作意思惟心步入故納受者謂即於彼能攝受故推尋者謂取彼諸相故極推尋者謂取彼隨好故復有差別推尋者謂尋求心極推尋者謂伺察心最極推尋者謂於得失推構尋思極校計故聖教爲依而起尋求說名尋思現量爲依說名思惟比量爲依說名分別厭離者增上意樂於遠離中起決定故遠離者謂從他邊受遠離故隨離者謂受已後能隨守護彼尸羅故還離者謂誤犯已即能如法而悔除故從此已後寂止律儀隨護尸羅寂止者由具忍辱柔和事故律儀者由具少欲慈心等故密護根門者自然不作故不作者由他不作故不行者由正了知不現行故不犯者不由失念而現行故橋梁者由此爲依渡惡法故船筏者謂依對治誓能運

善三

彼癡狂失道令渡相違障礙法故不喜樂者謂於遠離增上意樂極滿足故不違越者謂於一切所學衆中無毀犯故不棄捨故不異念者謂住其心故言等念者謂等住其心故如是廣說應隨九種心住差別如聲聞地當知其相復次溫陀南曰

智宣說善欲 獻然獨遠塵 如病等解釋我斷盡生等 幷天世衆生 依等我作等智者謂聞言說爲先慧見者謂見言說爲先慧覺者謂覺言說爲先慧知者謂知言說爲先慧智者謂知不現見境見者謂見現見現
在前境明者謂無明相違解覺者謂實有義智覺者謂不增益非實有智慧者謂俱生生得慧明者謂由加行習所成慧現觀者謂於內現觀法已於諸法中非不現見非緣他智復次宣說者謂因他請問而爲記別施設者謂由語及欲次第編列名句文身安立者謂

次第編列已略爲他說分別者謂略說已分別開示解其義趣開示者謂他展轉所生疑或皆能除遣顯發者謂自通達甚深義句爲他顯示教者謂不因他發起請問由哀愍故說法開示遍開示者謂無間演說不作師拳無所隱覆

復次初善者謂聽聞時生歡喜故中善者謂修行時無有艱苦遠離二邊依中道行故後善者謂極究竟離諸垢故及一切究竟離欲爲後邊故義妙者謂能引發利益安樂故

文巧者謂善緝綴自身等故及語具圓滿故純一者謂不與一切外道共故圓滿者謂無

善三

限量故取尊勝故清淨者謂自性解脫故鮮白者謂相續解脫故梵行者謂入聖支道當知此道由純一等四種妙相之所顯說諦聽者謂於如是相法勸令審聽應善懇到者謂勸令無倒無門殷重如理思惟復次猛利欲者謂我何當於彼處所乃至廣

說猛利愛者謂於所修正加行中猛利樂者謂於說者及與大師尊重處等猛利信者謂於教法教授教誡

復次能熾然者謂爲證得速疾通慧終不自暇推延後期發勤精進順瑜伽者謂隨尊教若等若勝而修加行終不減劣能永斷者謂能修習煩惱對治能閑居者謂依所有邊際卧具遠離而居修三摩地令現在前依三摩地修習對治

復次獨者謂處遠離邊際卧具無有第二而安住故言遠離者謂諸染汙無記作意不現行故無縱逸者謂於欲等尋思惡法防護心故又於善中自安處故言熾然者謂如前說言發遣者謂除五蓋內持心故又由此故發遣其心令趣無上安隱處故

復次遠塵離垢者塵謂已生未究竟智能障現觀有間無間我慢現轉垢謂彼品及見斷品所有麁重令求無故名遠塵離垢又復塵

者所謂我慢及見所斷一切煩惱垢謂二品所有麁重於諸法中者謂於自相共相所住法中言法眼者謂如實現證唯有法慧言見法者謂於苦等如實見故言得法者謂隨證得沙門果故言知法者謂證得已於其所得能自了知我是預流我已證得無退墮法故至誠法者謂諦現觀增上力故獲得證淨於佛法僧及自所得聖所愛戒以正信行如實至誠故越渡惑者謂於自所證越渡疑者謂於他所證非緣於他者謂於此法內自所證非但隨他聽聞等故非餘所引者謂於大師所有聖教不爲一切外道異論所引奪故於諸法中得無所畏者謂於自所證若他詰問無悚懼故言逆流者謂已登聖道故言趣向者謂說神通究竟往趣無退還故復有差別當知建立世俗勝義二種法故

復次如說如病乃至廣說云何顯示彼如病等非但說彼猶如重病乃至廣說然修行者先以如實無常等行於彼事中如實訶毀作是思惟此如病等甚可厭逆爲欲與彼不和合故是故次說無常行等如實顯示觀察彼果言無常者顯現生身及與剎那皆展轉故剎那展轉者由彼彼觸起盡故彼彼受起盡此相續見由非不現見非緣他智故所言苦者有二種苦謂生等諸苦及諸所有受皆說爲苦此二種苦如其所應由見生身展轉有故而得悟入謂死無間有生身生生已復有老等諸苦是故說言無常故苦由見生身展轉有故悟入苦性云何諸所有受皆說爲苦謂諸樂受變壞故苦一切苦受生能故苦非苦樂受體是無常滅壞法故說之爲苦此中樂受由無常故必有變壞一切苦受由無常故生住相續皆起於苦非苦樂受已滅壞者由無常故說之爲苦已生起者滅壞法故亦說爲苦此滅壞法彼二所隨逐故與二相應故亦名爲苦云何當觀樂受爲苦謂由此受

善三

貪所隨眠由隨眠故取當來苦於現法中能生壞苦如是當觀樂受爲苦云何當觀苦受如箭謂如毒箭乃至現前常惱壞故非苦樂受體是無常滅壞法者謂已滅者即是無常其未滅者是滅壞法若無常者從此復生若樂若苦滅壞法者終不解脫苦樂二種所言

空者無常無恒無不變易真實法故言無我者遠離我故衆緣生故不自在故

復次解釋者謂能顯示彼自性故開示者謂即顯示此應遍知此應求斷等差別故顯了者謂能顯示若不求斷不遍知等成過患故了者謂了相作意解者謂勝解作意知者謂遠離等作意等解了者謂了自相故近解了

者謂了共相故點了者謂了盡其所有故通達者謂了知其所有故觸者謂於八聖支道梵行所攝作證者謂於彼果涅槃

復次我者謂於五取蘊我我所見現前行故言有情者謂諸賢聖如實了知唯有此法更

無餘故又復於彼有愛著故言意生者謂此是意種類性故摩納縛迦者謂依止於意或高或下故言養育者謂能增長後有業故能作一切士夫用故補特伽羅者謂能數數往取諸趣無厭足故言命者謂壽和合現存活故言生者謂具生等所有法故

善三

十三

復次當斷諸愛止息諸結者謂適於聖諦得現觀時便能永斷三結於一切處後有之愛不復現行彼於後時數數勤修生滅隨觀復能無餘永斷慢等是故說言能正修習永斷諸慢真現觀故彼愛隨眠一切永斷由此因緣當來諸苦諸後有法無復可得又能究竟作苦邊際

復次我生已盡者謂第八有等梵行已立者謂於聖道究竟修故無復退失所作已辦者謂一切結永無餘故一切道果已證得故不受後有者謂於七有亦永盡故又我生已盡者有二種生一生身生此如前說二煩惱生

此微薄故亦說爲盡此則記別初之二果梵行已立者謂不還果非梵行貪此求斷故所作已辦不受後有者謂阿羅漢當知此中記別四種解了行相

復次弁天世間者是揔句此有二種一弁魔二弁梵弁沙門婆羅門衆生者謂諸沙門若

婆羅門生在人中希求魔梵而修行者弁諸天人衆生者謂於天中除魔及梵於其人中除沙門婆羅門如是揔結解脫三縛出離欲貪又毗柰耶斷超越者毗柰耶由了相勝解作意斷由遠離等作意超越由方便究竟果作意言離繫者離九結故言解脫者解脫一切生老等故離顛倒者由見道故所言多者由修道故由彼修道多修習故說名爲多言利益者謂諸善行言安樂者無損惱行言哀愍者謂如有一由諸善行無損惱行哀愍於他是所求事故能引義利故名之爲義可愛樂故無有罪故爲利益安樂者謂於彼起所

有善行無損惱行所言人者謂刹帝利等若有因佛出現世間善說正法增善修行能多利益能多安樂或但自爲利益安樂悲愍世間或但爲他利益安樂或爲二種是故說言爲其義利利益安樂此中唯說天及人者彼有勢力能了其義修正行

善三

古

復次依者謂五取蘊及與七種所攝受事即是父母及妻子等所言取者謂諸欲貪亦名爲取由不安立及安立故說有四取心依處者謂四識住言執著者謂諸煩惱能趣於依即名爲纏彼品麁重說名隨眠如是名依取心依處執著隨眠於此有識身及外一切相中者謂於我我所我慢執著隨眠因緣境界相中

復次我我所行者謂薩迦耶見言我慢者謂即此慢即彼諸纏名爲執著即彼麁重名爲隨眠執著多分是諸外道隨眠通二復次慢

梵南曰

如來無常想 底沙怖無爲 不有不相續
空無常無餘

如來應正等覺等者如經分別所言應者應供養故明行圓滿所謂三明遮行行行皆悉圓滿又復四種增上心法現法樂住皆悉圓滿前是行後是住行此中清淨身語意業現行正命是行圓滿密護根門是遮圓滿中此二種顯示如來三種不護無忘失法由不造過世間靜慮遮自苦行言善逝者謂於長夜具一切種自利利他二功德故世間解者謂於一切種有情世間及器世間皆善通達故由善悟入有情世間依前後際宿住死生善三十五

依一切時八萬四千行差別故於器世間謂東方等十方世界無邊成壞善了知故又於世間諸法自性因緣愛味過患出離能趣行等皆善知故無上丈夫調御士者智無等故無過上故於現法中是大丈夫多分調御無量丈夫最第一故極尊勝故天人師者由彼天人解甚深義勤修正行有力能故言佛陀者謂畢竟斷一切煩惱并諸習氣現等正覺阿耨多羅三藐三菩提故薄伽梵者坦然安坐妙菩提座任運摧滅一切魔軍大勢力故此中如來是初擇序應正等覺謂永解脫一切煩惱障及所知障故於其別中略有二種所謂共德及不共德於共德中且說解脫諸煩惱障及所知障自餘明行圓滿等句是不共德

復次於無常想素咀繩中修謂若修若習乃至廣說修果謂一切欲貪乃至廣說修差別謂譬喻差別故修方便謂或住阿練若乃至廣說此中若修者謂由了相作意故若習者謂由勝解作意故多修習者謂由餘作意故又若修者謂於所知事而發趣故若習者謂無間般重修加行故多修習者謂於長時熟修習故爲處者作所依故爲事者作所緣故隨順者由作意思惟故串習者得隨所欲無

艱難故善攝受者聽聞正法故善發起者於內如理作意思惟故又善攝受者殷重作意故善發起者無間作意故又善攝受者到究竟故善發起者正加行故隨順欲貪故說於掉隨順色貪故說於慢順無色貪故說無明拔除根本者害隨眠故摧折枝條者下地善法由彼斷滅不增長故以無常想所緣顯示無常想自心作意觀無常故臺閣者謂解脫俱行無常想梁棟者謂彼依因象跡者謂於不淨等想爲第一故所緣廣大故流注者謂能對治無明闇故如輪王者謂無學無常想

善三

十六

如城王者謂所餘想又或居阿練若或居樹下或居空室或居迦露由取樹下覆障等故即攝一切卧具遠離唯有色無常性者謂唯有色都無有我如是正修加行復次略有四種往趣道障二種道等謂由疑惑不能發趣雖復發趣由邪尋思而往餘處

由邪分尋思見行故雖無是事然不堪任教授教誡所言忿者謂他諫諍時言苦惱者謂出家者不得自在禁約艱難鹿弊行等言不出樂者雜瞋事故此之二種猶如坑澗又此二種能障行路雖無是事而由利養及恭敬故於入山林能爲障礙言猛利者處深稠林故所以者何雖捨所攝受事而不能捨此故復次言有怖者謂有盜賊及矯許故言有畏者謂涉稠林故有諸惡獸及與非人諸恐畏故言有刺者謂一切處多毒刺故言失道者往餘處故言惡道者不平正故如是五種顯道過失弊趣惡趣者顯示趣過失失道惡道

而行及親近不善士者顯示能行補特伽羅所有過失諸盜賊等名不善士復次無動者謂一切相皆遠離故無轉者謂貪愛盡故於諸境界無轉變故難見者謂甚深故甘露者謂生老病死皆求盡故安隱者謂超過一切人與非人灾橫怖畏故清涼者

善三

謂一切苦皆寂滅故極清涼故善事者謂現法樂住所緣境故趣吉祥者謂斷一切煩惱所緣境故無愁憂者謂超過一切愛非愛故又證得已無失壞故不死歿者謂常住故不退還故無熾然者謂清淨故無熱惱者謂所欲匱乏求止息故無病者謂一切病諸麻瘡等永寂靜故無動亂者謂一切動亂皆滅盡故涅槃者謂一切依皆寂滅故

復次我何當不有我所何當不有者謂約未來世於我我所性所攝內處外處所攝自內體性及攝受事希求不生故又復顯示希求依止不生故又希求依彼受不生故我當不有我所當不有者謂約現在世說此觀無常滅前觀於擇滅又前但有希望故後於現在因觀無常性故

復次不相續者謂死歿已後餘識不生故言無取者謂無所住識無有趣入名色事故身體永不生故無生長者謂無有名色更增廣

故言一切行皆寂止者謂諸五蘊皆止息故復次所言空者謂離一切煩惱等故無所得者謂離一切所有相故言愛盡者謂不希求未來事故言離欲者謂無現在受用喜樂故所言滅言語餘煩惱斷故言涅槃者謂無餘依故

復次言無常者謂性破壞朽敗法故言有爲者謂依前際所尋思故言造作者謂依後際所希望故言緣生者謂依現世衆因緣力所生起故有盡法者謂一分盡故有沒法者謂全分滅故又有盡法者謂全分滅故有沒法者謂相續變壞故有離欲法者謂過患相應故有滅法者謂一切有爲法皆有出離故復次無餘斷者謂是總句永棄捨者諸經斷故求變吐者隨眠斷故言求盡者過去解脫故求離欲者現在解脫故言求滅者未來解脫故求寂靜者由見道故求滅沒者由修道故當知此中由二種道斷煩惱事顯無餘斷

瑜伽師地論卷第八十三

善三

襲_{音習} 軌範_{下音犯} 勇悍_{汗音} 鎧甲_{上音} 告_{亥反} 奮
方_反 問_反 鏟_{俞歲音} 淋瀝_{林唐二字音} 軛_{尼音} 鞍_{尺反} 手捷_{葉才}
哲_{歲上音} 繼_{秘反} 馳驟_{瘦反} 壇牆_{末唐音} 上音九_{音九} 騰_反 手捷_{葉才}
窄堵_{下音} 祠祀_{蘇沒反} 階陞_{米音} 下音蒲_{音蒲} 故_{相反} 寺

枕_{苦反} 浪點_{閑八音} 構_{古候音} 船筏_{伐音} 編_{必綿音} 師_師
捲_{正巨貞反} 緝綴_{七入音} 推延_{上土音} 以是四種顛倒事故當知此中虛故無我僞
詰問_{一灰上起} 摩納縛迦_{一云少淨行也} 故不淨不實故苦由於是處樂非實故然彼
練若_{下而反} 暈_{求位反} 亦_亦 達_反 諸欲似常等現說名妄法顛倒事故云何諸
勸綠都功德主行宣政院榮祿_{壹伯鎧刊雕大藏經文鵠茲勝力端為祝延} 欲名爲妄法爲顯此義說幻事喻雖非常等
今上皇帝聖壽萬萬歲

皇后齊年太子諸王福壽千秋文武官僚常居祿位更願
佛日增輝法輪常轉次乞保祐身躬康泰保養增崇合衛眷愛如意吉祥
祥上母宗祖成遠超昇法界寔親俱圓種智

大元國歲次丙午大德十年正月初一日意願

瑜伽師地論卷第八十四 善四

彌勒菩薩說 沙門玄奘奉詔譯

攝異門分之下

復次噭於南曰

欲三種延請 法僧惠施故 眇梵志無常
聚沫等爲後

乙 道達

諸欲無常虛僞不實者謂於諸欲宣說顛倒
以是四種顛倒事故當知此中虛故無我僞
故不淨不實故苦由於是處樂非實故然彼
諸欲似常等現說名妄法顛倒事故云何諸
欲名爲妄法爲顯此義說幻事喻雖非常等
然似顯現故同彼法誑惑愚夫者謂無聞愚
夫於彼諸欲不如實知故於長夜恒被欺誑
深生染著爲變壞苦之所逼觸諸聰慧者則
不如是如實知故又彼諸欲喻枯骨者令無
飽故喻段肉者多所共故喻草炬者是非法
行惡行因故喻一分炭者增長欲愛大熱惱
故喻大毒蛇者爲諸聖賢所遠離故喻夢所